


PANTUN NGAYAU MEPI



BORNEO LITERATURE BUREAU


PANTUN NGAYAU MEPI

Ditulis

UNGGAT KEDU

Gambar kulit digaga


DAUD bin NAPIS



© BORNEO LITERATURE BUREAU, 1964

Kayau tu ukai peda mata aku empu
tang iya ulih aku betanya ari orang tuai
ke enggau ngayau maia nya menya.

UNGGAT KEDU



Dichelak

YE OLDE PRINTERIE, LTD

HONG KONG

BANTIN SEDUAI NGUMBANG

NYADI ORANG ke endang nyadi tuai matak bala nan ka menoa ulu di Batang Ai leboh maia nya menya nadai lebih agi tebilang ari Bantin seduai Ngumbang. Menoa maia nya menya kena pegai Raja Sarawak kedua penama Sir Charles Brooke.

Dalam taun 1884 dia Ngumbang begembar enggau bala Iban ari Belanda ngalah ka Padong Kumang. Udah bekau nya iya lalu kena tunggu perintah Raja Sarawak. Iya mega lalu diasoh bepadat ngagai menoa ili awak ka iya enda agi ngaga pengachau di menoa tisau, tang iya enggai ngisi tunggu lalu enggai ga bepadat ngagai menoa ili, laban pengachau nya tadi ukai betumboh ari iya, tang betumboh ari Iban sapiak nyin.

Nya alai bekau nya menoa tisau lalu mupok kachau. Ngumbang lalu ngulu ka bala bekupan di Bukit Kedang. Nyadi dalam taun 1886 dia Tuan Raja Sir Charles Brooke lalu ngulu ka bala ngayau Kedang. Samoa bala enggau iya ngayau bisi duabelas ribu iko. Leboh ngayau sakali nya bisi lapan puloh buah rumah panjai ditunu sida, lalu munsoh ke parai enggau bakal enda kena tesa. Nya alai Ngumbang udah bekau nya lalu nundok ka perintah.

Lama bendar menoa tedoh udah bekau nya; semadi nyau datai ba taun 1897 dia menoa Ulu Ai berengkah saboh baru. Orang ke nyadi tuai nan ka menoa ulu leboh maia nya Bantin. Iya ukai endang asal ngiring bala, tang iya tediri ka diri empu ketegal pemerani. Iya lalu dibantu Ngumbang ke endang pugu tuai ngiring bala di menoa nya.

Nya alai dalam bulan March taun 1897 dia Raja Sir Charles Brooke lalu matak bala ngayau Delok.

PANTUN NGAYAU MEPI

Leboh ke belanggar sakali nya anak Bantin ke tuai parai.

Bantin lalu balat agi ringat ketegal nya. Nya alai dalam bulan March taun 1902 dia iya nudok ka pengachau baru lalu ngamok bala Iban ari ili Lubok Antu.

Ninga berita Bantin enggai badu ngaga pengachau di menoa ulu dia Raja lalu empuru ka bala kira lebih duabelas ribu iko deka nyerang iya. Nyadi bala Raja ngejang ka Kubu Simanggang kena 9 hari bulan June taun 1902. Orang ka ngiring bala Raja leboh nya Tuan D.F. Deshon ke nyadi Residen Sibu, Tuan Muda enggau Tuan D.J.S. Bailey, ke nyadi Residen Batang Lumar enggau Saribas.

Bala Raja datai di Nanga Delok kena 12 hari bulan June taun 1902. Leboh sida datai dia lalu betiki. Tang dih enda mukai-mukai bendar leboh sida baru berengkah betiki dia bala sida kena pangka sakit muang-ai, iya nya sakit mutah-bira.

Meda penusah bangat kelalu balat, nya alai bala Iban lalu mutar ka diri pulai kili baru. Leboh tengah hari kena 14 hari bulan June 1902 bisi lapan ratus lima belas buah perau pengayau nuntong di pengkalan Nanga Delok. Nya alai ari samo perau nya tadi semuti semilan belas buah aja agi nat ka diri enda nikal lalu nitih ka bala munsoh. Sida ke nitih ka munsoh nya bala Munan Pengulu Dalam.

Meda munsoh udah tepejoh jauh lari sida lalu mulai ka diri ngagai palan baru. Leboh sida undor mulai ka diri ari Nanga Delok lalu bepansa enggau perau bala Iban ke tasah kena pangka sakit muang-ai nya tadi. Nya mih mensia ngenjing enda nemu agi penusah-nusah. Barang ke parai lalu tinggal dia, barang ke agi dapat lalu nabani ka pangan diri pulai.

BANTIN SEDUAI NGUMBANG

Bantin tu tadi lalu enda badu ga ngaga pengachau di menoa ulu. Udah bekau nya agi ga iya nyerang Iban ke diau di menoa ili. Nya alai udah nya dua kali Tuan Bailey dibantu Munan Pengulu Dalam arri Batang Rajang nyerang iya, tang iya lalu enda tasal.

Kayau ke diulu ka Tuan Bailey nya tadi sakali dalam bulan October taun 1902, lalu nya dikumbai ngayau Engkari. Leboh November taun 1902 nya ngayau Genting Pan enggau ngayau Betong Wi menoa ke alai Ngumbang bekupan.

Bantin seduai Ngumbang lalu enda tasal kena serang bala Raja dalam dua tiga kali nya tadi. Nya alai leboh 5 hari bulan March taun 1903 dia Raja empu ngulu ka bala ngayau Bukit Seligi dalam Jingin. Kena 15 hari bulan March dia Raja lalu mai Bantin seduai Ngumbang bebaik. Seduai madah ka diri deka, dalam pia jako madah ka diri deka bebaik, tang udah nya agi ga seduai ngaga pengachau di menoa tisau.

Menoa lalu berengkah kachau baru, nya alai kena 16 hari bulan June taun 1904 nya nama ngayau Mepi. Leboh ngayau sakali tu bala Raja bagi dua. Sabengkah diulu ka Tuan Baring Gould lalu mudik ngulu Pan. Sida besatup enggau bala munsoh di Bukit Kedang. Bala sabengkah diulu ka Tuan H. L. Owen ngulu Engkari. Sida nadai besatup enggau munsoh, tang semina nunu rumah sereta lalu ngerusak utai ditanam orang.

Dalam bulan November taun 1906 dia Bantin seduai Ngumbang madah ka diri deka bebaik enggau perintah ngagai Tuan Bailey. Dia orang lalu ngeletak hari maia sida tau ngator pemaik. Tang datai ba maia hari nya dia dih seduai sama nadai datai.

PANTUN NGAYAU MEPI

Kena 16 hari bulan May taun 1907 dia Tuan Raja Sir Charles Brooke enggau Tuan Muda ngator Bantin bebaik enggau Iban ke diau di Batang Rajang ili. Endor sida ke bebaik nya tadi di Kubu Kapit.

Udah bekau nya menoa ulu bisi tedoh enda lama. Udah nya saboh baru ga laban Bantin enggai bebaik enggau Iban di Batang Luper.

Tekala nya Tuan Raja Sir Charles Brooke lalu ngasoh Tuan Bailey ngayau baru. Sida angkat ari Simanggang leboh 31 hari bulan August taun 1908. Datai sida di Nanga Delok dia bala lalu babagi dua. Sabengkah ngulu Delok. Sida nadai tentu besatup enggau munsoh, tang ker esa enggau rumah maioh bendar dirusak sida. Bala sabengkah ngulu ka Jingin lalu nyerangkap sebelah menoa nya. Nyawa munsoh nadai ga tentu tak nyengala bebadi, tang ker esa enggau rumah balat bendar dirusak bala Raja. Nya alai nya chukop bendar pulai ka pelajar sida iya.

Nya tadi munyi jerita menoa ulu leboh agi maia kachoh agi maia saboh kalia dipuntang ngena jako pandak. Kitai ke ngenang iya diatu ukai mantai ka penyarut, tang mansut ka pengering ati sereta enggau pemerani orang ketuai menya nan ka menoa.

Nya alai awak ka iya bisi ka pengingat samoa kitai lalu bakatu ko munyi jerita nya ditusun dalam jako pantun :

JAKO PANTUN

Menoa diatu udu pengerusak,
Pegai perintah Raja Sarawak.
Ngumbang seduai Bantin udu bepajak,
Pengabis entigis datai ka punchak.

Kudi menoa ukai chechamang,
Ketegal Bantin seduai Ngumbang.
Mepi datai ka Seriang,
Nyadak bunoh ngelaban perang.

Anak bini dulu ditapok,
Mudal pesaka abis ditaroh,
Tinggal pemakai periok genok,
Tikai pua buan penindok.

Samoa munsoh udu pemerinsa
Ati irau ngereja pengawa.
Nyadang orang nyerang sida,
Bini anak jarang dipeda.

Pemakai sida merinsa amai,
Bisi garam utai dibela nadai.
Engkayu diempa nadai penyamai,
Diempa ngapa semadi nadai.

Ketu ka dulu pemerinsa Ngumbang
Ngenang perintah megai Simanggang
Bepait surat ba bandong Bujang
Madah ka penusah di Bukit Kedang.

Raja bekemas angkat ka Simanggang
Mai soldadu beribu orang
Mai peluru leka senapang
Nangkin keris tali belulang.

MAKLUMAT SELANJUTNYA BOLEH DIDAPATI DI:

KOLEKSI BORNEO

Pusat Dokumentasi Melayu Tun Hamdan Sheikh Tahir
Dewan Bahasa dan Pustaka Cawangan Sarawak,
Jalan Tun Datuk Patinggi Haji Abdul Rahman Yaakob,
Petra Jaya,
93050 Kuching, Sarawak.

Telefon: 082 – 227 000
Faksimile: 082 – 227 088
E-mel: eborneo@dbp.gov.my

“Memelihara Warisan Memupuk Wawasan”

